

浚二股河又
浚五股河

李立之請創
生隄不聽

魏至于恩冀乾寧入于海。今二股河自魏恩東至于德滄。入于海。分而爲一。則上流不壅。可以無決溢之患。乃上四界首二股河圖。

英宗治平元年。始命浚二股河。以紓恩冀之患。未幾又併五股河浚之。

神宗熙寧元年六月。河溢恩州。又決冀州棗強埽。七月。又溢瀛州樂壽埽。於是都水監丞李立之請於恩冀深瀛等州。創生隄三百六十七里。以禦河。宋昌言謂今二股河內變移。請迎河澇進約簽入河身。以紓

四州水患。都水監復奏慶曆中商胡北決。于今二十餘年。自澶州下至乾寧軍。創隄千有餘里。公私勞擾。近歲冀州而下。河道梗塞。致上下埽岸屢危。雖創新岸。終非久計。願相六塔舊口。并二股河。導使東流。徐塞北流。便詔翰林院學士司馬光入內都知張茂則乘傳相度四州生隄。回日兼視六塔二股利害。二年正月。光入對。請如宋昌言策。於一股之西置上約。擗水令東。俟東流漸深。北流淤淺。卽塞北流。放出御河。胡盧河。下紓恩冀深瀛以西之患。初商胡決河。